



Zergabilketa eta genero eragina, Balio Erantsiaren gaineko Zergan eta Tabako Laboreen Zerga Bereziko araudian aldaketak sartzeko Foru Dekretu Arauari dagokiona



1. Sarrera

Txosten honetan aztertzen da zenbateko eragina izango duen Gipuzkoako Foru Ogasunaren zergabilketan Balio Erantsiaren gaineko Zergan eta Tabako Laboreen Zerga Bereziko araudian aldaketak sartzeko Foru Dekretu Arauak.

Helburua da kalkulatzeko zenbateraino aldatuko den zergabilketa gaur egun indarrean dagoen araudiaren ordezkari arau proiektu berrian jasotzen diren aldaketa nagusiak aplikatzen badira. Hortaz, txosten honen xedea ez da proiektuan sartzen diren neurriak termino absolututan ebaluatzea, neurri horiek hartu eta indarrean daudenekin alderatzea baizik.

2. Araudiaren aldaketak

Ekonomia Itunak dioenez, lurralde historikoek Balio Erantsiaren gaineko zergan eta zerga berezietan estatuan bezalako araudi funtsezko eta formal bera aplikatuko dute.

Estatuan berriki onartu den martxoaren 16ko 8/2012 Errege Lege-Dekretuak, turismo erabilerako ondasunak txandaka aprobetxatzeko, iraupen luzeko opor produktuak erosteko, eta haiek birsaldu eta trukatzeko kontratuei buruzkoak, behartu egiten gaitu aldatzera Balio Erantsiaren gaineko Zergan abenduaren 15eko 42/1998 Legeari egiten zaizkion erreferentziak. Turismo erabilerako ondasun higiezin txandakako aprobetxamendu eskubideei eta zerga arauak buruzko legeaz ari gara. Horrela, lege horren ordezkari kontuan hartzekoa izango da aipatutako 8/2012 Errege Lege-Dekretuak eraikinak, higiezin multzoak edo



arkitektonikoki haietatik bereizitako sektoreak txandaka aprobetxatzeko eskubideen lagapena BEZean zergapetzeari dagokionez ezarritakoa, higiezinak gutxienez hamar bizitegi dituenean, zerbitzu horien araudian jasotakoari jarraiki.

Bestalde, martxoaren 30eko 12/2012 Errege Lege-Dekretuak, defizit publikoa murrizteko zerga eta administrazio arloko zenbait neurri onartzen dituenak, aldaketak sartu ditu Tabako Laboreen gaineko Zerga Berezian. Aldaketa teknikoak ezartzeaz gainera, gehitu egin du zigarriloei aplikatu beharreko zerga.

Indarrean dagoen araudia eta proiektuan proposatutakoa alderatuz bien arteko diferentziarik esanguratsuenak identifikatu ditugu:

Tabako laboreen gaineko zergan aplikatzen diren tasak:

- Zigarriloak:
 - a) Tasa proporzionala %57tik %55era aldatzen da.
 - b) Berariazko tasa 12,7 eurotik 19,0 eurora aldatzen da 1.000 zigarriloko.
- a) puntuan proposatutako aldaketak zergabilketa murriztea ekarriko du, tributazio tasa murriztu baita.
- b) puntuan proposatutako aldaketak igoera dakar zerga tasan, eta horren ondorioz, zergabilketak gora egingo du.



3. Zergabilketa eragina

3.1 Tabako Laboreen gaineko Zerga

Tabako Laboreen gaineko Zergaren aldaketari buruz proposatutako neurriek zergabilketan duten eragina kalkulatzekoan, kontuan izan behar dugu zerga honek ezaugarri berezi jakin batzuk dituela:

- Gipuzkoako Foru Ogasunak legezko kuota exijitzeaz gainera, zerga administrazio desberdinen artean (gainerako foru ogasunak eta estatuko ogasuna bertan direla) doikuntzak egiten dira benetan lortutako bilketan, zergapetutako produktuen amaierako kontsumoa fabrikaziokoa ez den beste lurralde batean gertatzeak dakarren distortsioa zuzentzeko.
- Zerga berezien bilketan ez ezik, Balio Erantsiaren gaineko Zergan ere eragiten dute proposatutako aldaketek, zerga berezien zenbatekoak BEZaren oinarrian sartuta daudelako. Hau da, azken horien hazkundeak BEZaren oinarri ezargarria igotzen du eta, beraz, haren bilketa ere igotzen da.

Zerga hauengatik aitortzera behartutako subjektu pasiboen aitorpenak abiapuntu harturik, eta ekitaldi honetarako egin diren zerga-bilketa aurreikuspenak kontuan izanik, zerga-bilketa 1.899.785 euro gehituko da urte oso baterako kalkulua eginda. Kopuru horren barruan sartuta daude beste aldundiekin eta estatuarekin egin behar diren doikuntza guztiak.

Hona hemen zergaz zerga banatuta:



- | | |
|-------------------------------------|----------------|
| 1. Tabako Laboreen gaineko Zerga: | 1.609.988 euro |
| 2. Balio Erantsiaren gaineko Zerga: | 289.797 euro |

Hona hemen aldaketa honek 2012ko ekitaldian zerga-bilketan izango duen ondorioa:

- | | |
|-------------------------------------|----------------|
| 1. Tabako Laboreen gaineko Zerga: | 1.073.325 euro |
| 2. Balio Erantsiaren gaineko Zerga: | 193.198 euro |
| 3. Guztira: | 1.266.523 euro |

Gainerako sarrerak 2013ko ekitaldian gauzatuko dira.

4. Genero eragina.

4.1. Txostenaren oinarriak eta xedea.

Euskal Autonomia Elkargoko gizon eta emakumeen arteko berdintasunaren otsailaren 18ko 4/2005 Legeak 6. artikuluan foru administrazioei ematen die emakume eta gizonen arteko berdintasuneko printzipioaren arabera foru araudiari eta horren aplikazioari jarraipena egiteko ahalmena. Era berean, uztailaren 12ko 6/2005 Foru Arauak, Gipuzkoako Erakunde Antolaketari, Gobernuari eta Administrazioari buruzkoak, 70. artikuluan ezartzen du, foru arauen aurreproiektuak eta xedapen orokorren proiektuak prestatzeko prozeduraren barruan, genero eraginari buruzko derrigorrezko txosten bat aurkeztea eranskin gisa.



4. 2. Genero ikuspuntutik kontuan hartzeko neurrien identifikazioa.

Pertsonen (gizonak edo emakumeak) eragingo dieten neurri batzuk identifikatu dira. Zehazki, eragin hauek izango dituzte:

Tabako Laboreen gaineko Zergaren ezarpen tasak aldatzea, zuzenean gizon eta emakumeen eragiten die. Horregatik, iruditzen zaigu aldaketa hau aztertzea EGOKIA dela, baina ezin da kuantifikatu genero eraginari dagokionez.

Produktuak fabrikatzen duen entitateak Administrazioari ordaintzen dio zerga, nahiz eta gero kontsumitzaileari ordainarazi. Beraz, neurri horrek zuzenean kontsumitzaileari eragiten dio.

Kontsumoari buruzko daturik ez dugunez, tabako kontsumoari buruzko taulak jasotzen ditugu beherago. Datu horiek EUSTATEk argitaratzen ditu, Euskal Autonomia Erkidegoko ohiko (beraz, ez noizbehinkako) kontsumitzaileen portzentajeari dagokionez, sexuaren eta adin taldearen arabera; Gipuzkoako biztanle kopurua estrapolatuta dago adin talde bakoitzean:



Tabako kontsumitzaileen % sexu eta adin taldearen arabera. EAE

	Gizonak	Emakumeak
Guztira	29,1	21,1
16-24	22,9	25,5
25-44	35,6	31,8
45-64	30,2	20,8
65 eta gehiago	16,3	3,3

Iturria: Eusko Jaurlaritzako Osasun Saila. Osasun inkesta.

Tabako kontsumitzaileen zenbatekoa sexu eta adin taldearen arabera. GIPUZKOA

	Gizonak	Emakumeak
Guztira	99.842	74.941
16-24	6.650	6.994
25-44	40.286	33.585
45-64	28.669	20.112
65 eta gehiago	8.861	2.522

Gizonen eta emakumeen % adin taldearen arabera . GIPUZKOA

	Gizonak	Emakumeak
Guztira	57,1	42,9
16-24	48,7	51,3
25-44	54,5	45,5
45-64	58,8	41,2
65 eta gehiago	77,8	22,2

Tabako Laboreen gaineko Zergaren araudiaren aldaketak eragindako bilketa igoera gizon eta emakumeei egotzi ahal izateko, kontsumitzaile kopuruaz gain zer produktu eta zenbat kontsumitzen duten jakin behar dugu.

Bakarrik kontsumitzaile kopurua ezagutzen dugunez, bilketaren igoera parametro horren arabera banatzen ditugu, eta iruditzen zaigu igoeraren ia %57k gizonei eta %43k emakumeei eragiten diela.

Donostia, 2012ko maiatzaren 2a

AZTERLAN ATALEKO BURUA